

Mulakan lawatan tiga hari

# 10,000 sambut Datuk Musa di Johor Bahru

**JOHOR BAHRU.** Isnin — Kira-kira 10,000 penduduk Johor dari setiap lapisan masyarakat menyambut ketibaan Timbalan Perdana Menteri, Datuk Musa Hitam yang melakukan lawatan rasmi tiga hari ke negeri ini, hari ini.

Datuk Musa diringi oleh Menteri Penerangan, Datuk Mohamed Rahmat, Timbalan Menteri Perumahan dan Kerajaan Tempatan, Da-

tuk Abdul Jalil Abu Bakar dan Ahli Parlimen Pontian, Haji Ikhwan Nasir Iba di Lapangan Terbang Senai, 15 batu dari sini jam 8.30 pagi.

Ketibaan beliau disambut oleh Menteri Besar Johor, Tan Sri Haji Othman Saat, Menteri-menteri Kabinet dan Timbalan Menteri dari Johor, ahli Exco Negeri Johor, pegawai-pegawai kanan kerajaan negeri dan pemimpin-pemimpin politik.

Datuk Musa kemudian

memeriksa barisan kehormatan terdiri dari Pemuda dan Wanita UMNO Johor dan beralaman dengan orang ramai yang menunggui di lapangan terbang sejak jam 7 pagi.

Bendera-bendera Malaysia dan Negeri Johor turut dikibarkan oleh murid-murid sekolah yang berbaris sepanjang jalan dari Senai ke bandar ini.

Sepanduk-sepanduk dari parti-parti komponen Barisan Nasional seperti UMNO, MCA, MIC dan Gerakan turut dipajang sepanjang jalan untuk mengalu-alukan lawatan rasmi yang pertama Datuk Musa ke Johor Bahru sebagai Timbalan Perdana Menteri.

## Disambut

Pukulan kompang dari ahli-ahli UMNO dan tarikan singa dari MCA juga turut mengalu-alukan Datuk Musa dan rombongannya di Pekan Senai. Sekundul dan di sini.

Setibanya di hadapan bangunan UMNO di sini, beliau disambut dengan pukulan kompang, tarikan singa dan tiupan serunai diikuti upacara menabur beras kunyit oleh Wanita UMNO Bahagian Johor Bahru.

Datuk Musa kemudian bertolak ke Istana Bukit Iskandar untuk mengadap Gaginda Sultan dan Sultanah Johor.

Beliau kemudian menghadiri perjumpaan dengan semua wakil rakyat negeri, ketua-ketua jabatan peringkat negeri di bilik Dewan Undangan Negeri.

Di sebelah petangnya, Timbalan Perdana Menteri merasmikan bangunan Wisma Persekutuan di Jalan Air Molek.

Datuk Musa dan rombongannya akan melawat Majuternak di Keluang dan Kejora di Johor Tenggara esok untuk mendengar taklimat.



■ **TIMBALAN** Perdana Menteri, Datuk Musa Hitam disambut dengan salam erat dan mesra oleh pemimpin-pemimpin UMNO Johor setibanya di lapangan terbang Senai pagi semalam memulakan lawatan rasmi tiga hari.

Mengetuai upacara sambutan itu ialah Menteri Besar Johor, Tan Sri Haji Othman Saat (di belakang Datuk Musa) memperkenalkan pemimpin-pemimpin UMNO Johor kepada Datuk Musa.



■ **DATUK** Musa Hitam diringi oleh seorang pemimpin Pemuda UMNO Johor, memeriksa barisan kehormatan Pemuda dan Wanita di lapangan terbang Senai dekat Johor Bahru pagi semalam.

Ketibaan beliau bersama rombongannya disambut oleh lebih 10,000 orang rakyat jelata dan pemimpin dari parti komponen Barisan Nasional, pegawai-pegawai kanan kerajaan dan menteri-menteri kabinet dari Johor. — Gambar Berita Harian.

Bahan asal dari Arkib  
Negara Malaysia